



partii naleraq

UKA2015/134

21.okt 2015

**Sumiiffinni aalajangiiffissatut siunnersuutip tunngavilersuutaani ilanngussamilu nalunaarsorsimasuni qalorsuorsorluni aalisarnerup inerteqqutaalernissaapillugu periarfissamik-taassumalu aningaasatigut kingunissai pillugit misissuinermik -Naalakkersuisut Inatsisartunut agguaasseqqullugit Inatsisartut aalajangiiffigisassaattut siunnersuut.**

(Inatsisartuni ilaasorta Nikolaj Jeremiassen, Siumut)

Inatsisartunut ilaasorta Nikolaj Jeremiassen Siumut siunnersuuteqarpoq kangerlunni qalorsuorsorluni sinerissami kangerlunnilu aalisarnerup sumiiffinni taaneqartuni inerteqqutaalernissaanik siunnersuuteqarluni tamannalu oqaaseqarfigissavarput.

Nunatsinni aalisarfiit sumiikkaluarpataluunnit soorunami illersorneqarnissaat Partii Naleqqamiit pingaartutut isigaarput sapinngisamillu aalisagaqartuarnissaat qulakkeerniartariaqarmat.

Aalisarfiit nunap assingani taakkartorneqartut tassaapput Attup kujataani Kangermiit avunga Aasiaat tungaanut qeqertat Oqaatsut tikillugit.

Aalisarfiit taakkartorneqartut tassaapput sineriak aammalu kangerluit aalisarfigineqartartut qalorsuorsorluni aalisarfigineqannginnissaat, tamanna soqutiginarpoq paasissallugu aalisagaqassutsimut qanoq sunniuteqarsinnaanersoq aammami siunnersuuteqartup aalisarfiit illersorneqarnissaa aallaavigalugu saqqummiussaqaqarfigimmagu.

Kiisalu ilanngullugu aamma paaserusunnassaaq aalisarfinnik atuisut tassalu rejerniartut taamatut inerteqquteqalernikkut qanoq taakkunani sumiiffinni taaneqartuni aalisartartut kalluarneqassanersut.

Siunnersuuteqartup Nikolaj Jeremiassen-ip rejeqassutsip illersorneqarnissaanik tungavilersutaa soqutiginarpoq, aammalu qularnanngilaq aalisakkat allat qalorsuarnik aalisarnermi aammalu immap naqqata illersorneqarnissaat innarlerneqarsinnaanerallu taamatut aalisarfinnik killiliinermi pinngitsoortinneqarsinnaammat.

Aalisarfiit illersorneqarnissaat peqassutsikkut pitsaasumik aningaasarsiornikkullu siunissami isumalluutiguarneqarnissaat Partii Naleqqamiit isumaqatigaarput.

Kisiannili aalisarnermik inuussutissarsiuteqartunut qanoq kinguneqarsinnaanersoq paaserusupparput, aammalu nassuerutigalugu aalisarfinni taakkunani aalisarneq annerpaamik ilisimasaqarfiginnginatsigu.

Taamaattumik atuisut aalisartut soorunami tusarniarneqarnissaat Partii Naleqqamiit pingaartillugu tusarniaffigineqarnissaat kissaatiginartikkatsigu.

Taamatut oqaaseqarluta siunnersuut ataatsimiititaliami suliarineqarnissaa innersuussutigaarput.

Hans Enoksen